

問影樓輿地叢書

同影樓與地產

滇海虞衡志卷七

滇南山長白石先生廢翁檀萃默齋輯

大雷池長雪臺老人趙州師範荔屏校

志獸

案范志謂獸莫巨於象莫有用於馬皆南土所宜也故志獸首之況出自滇產因之而不後

象出雲南諸土司明統志云緬甸八百皆有象然不獨二土司也夫教象以戰爲象陣馱象以耕爲象耕南中用象殆兼馬牛之力明萬歷中鄧子龍禦緬靴尖起處踢死一象蠻大驚以爲神將軍蓋象膽隨時運於四支蹴其膽而殺之知將畧在有學問也天啓間安効良叛攻馬龍調景東土兵統象兵逆戰一象奮勇衝陣土兵乘之大破蠻兵象歸營猶氣勃勃始斃箭鏃滿身巡撫王佐立碑建坊葬之馬龍北關外表曰忠勇義象此事著於黔書及滇志予居滇久屢

見緬甸南掌貢象至養於城東報國寺後園無絕殊者而供億亦煩費矣

南中民俗以牲畜爲富故馬獨多春夏則牧之於懸崖絕谷秋冬則放之於水田有草處故水田多廢不耕爲秋冬養牲畜之地重牧而不重耕以牧之利息大也馬牛羊不計其數以羣爲名或百爲羣或數百及千爲羣論所有輒曰某有馬幾何羣牛與羊幾何羣其巨室幾於以谷量馬牛凡夷俗無處不然馬產幾遍滇而志載某郡與某某郡出馬何其褊也夷多牲畜而用之亦甚費疾病不用醫藥輒禱神貴者敲牛至於數十百賤者敲羊至於數十百究無救於疾而牛羊之用已不可紀極巨室喪事來弔但駟牛羊成羣設帳幙於各山牽牛詣靈位三匝而敲之以成禮仍歸所敲於各帳計費牛羊亦不可勝計故祿勸州雖僻處而鼠街所出之皮草幾半滇由用之多也范志蠻馬出西南諸蕃多自毗那自杞等國來自杞取馬於大理古南詔也地連西戎馬生尤蕃大理馬爲西南蕃之最彼時所謂大理國者蓋統全滇而言之非大理一郡也桂林故

靜江也宋時於靜江府設馬政以茶易西蕃之馬故范志自謂余治馬政今滇馬雖多未有鞭韁估客駢而成羣販之以出滇境者但供脚人馱運驛號收買而已至緬甸軍興反駢天下之馬牛以入滇死者不可勝計道路臭穢幾不可行無濟於軍興徒爲靡費豈非不考之過哉傳云古者大事必乘其產安其水土而知其人心隨所向無不如志夫以鄭駟尙敗晉戎况駢天下之馬萬里入滇道死已過其半迨抵軍前馬已盡矣不得已潛買滇馬以充之滇馬值遂高夫內地之馬撒蹄而馳於平原廣地便滇馬歛蹄於歷險登危便古稱越賅之西多莎草產善馬世謂越賅駿始生若羔歲中紐莎繫之飲以米瀋七年可御日馳數百里又夷人攻駒縻駒崖下置母岩顛久之駒戀其母縱駒衝崖奔上就母其教之下崖亦然膽力既堅則涉峻奔泉如履平地此滇馬之可用於滇而入內地技亦窮矣南渡偏安於靜江易馬終不聞賴西蕃之馬以濟軍政想亦徒爲煩費矣

果下馬滇亦有然不多但供小兒騎戲故不畜之也果下馬卽古褭驂也夫馬高八尺絕有力曰馱俗取駝運豈棄馱而畜褭驂哉

黔無驢而滇獨多馱運入市驢居十之七八驪馬供長運而已耳每家必畜數驢亦有高大者不解騎乘但駕馱鞍以馱運蓋乘騎怕人笑猶京師以乘驢車爲恥常欲買驢騎之効孟襄陽尋梅爲此方開一風氣而病廢不能缺此一快事滇雖南土馬之所生爾雅釋馬所謂駒騄野馬駮馬騄蹄騄騄小領諒多有之其善陞甌者卽騄蹄騄騄之類但蹄不岐耳他如宜乘減陽莠光闕廣夫豈少乎惟垂耳伏車沒齒耳滇驪健於馬耐馱運故驪亦貴於滇

范志闕牛然牛亦國計民生大用不可不載也自前明開屯設衛以來江湖之民雲集而耕作於滇卽夷人亦漸習於牛耕故牛爲重牛分兩種水牛黃牛黃牛特多高大幾比水牛以耕田以服車車輪皆輕卽平地任載之車也其犁田也駕雙牛前一人引之後一人馱之駕車亦然雙牛較少一人可護數車故牛

世一方無灾眚此其通天者歟李石云越睽殺犀震雷暴雨真靈物也

羊於滇中爲盛故太和古城曰羊苴咩城苴者幼也咩者幼羊呼母之聲也俗雜氏羗氏者羊之多鬚也羗者羊之引足也故滇俗以養羊爲耕作其羊脂滿腹肥者不能行牧者破其皮捲脂而出之成筒以貨于人羊得快利健行如故省城每日必剗數百四季無間時亦有大尾羊皆來自迤西者古云使馬如羊不以入廐使金如粟不以入懷甚言羊之多且賤也四季之皮皆可以爲表表之值且倍於肉其長養之羊歲雍其毛以爲氈毳毼毼毼毼之深鬚者割而染以充帽纓故養羊出辦多利息大也范志謂南中無白羊有花羊多黃褐白斑如黃牛又有深褐黑脊白斑似鹿又乳羊食仙茅舉體化舫無血肉又諸蠻有縣羊與胡羊不異其云蠻國卽指雲南所謂縣羊卽今大尾羊也范公當南渡偏安後僅使於金南來帥廣廣滇同俗聲教不通劃滇南爲西蕃爲蠻國故爲言依稀約畧而不能詳然馬牛羊三者爲畜牧之上計而羊之孳生蕃息倍於馬

此地方民俗之賴以生育長養者不可不籌之脩也故重爲志之

巖羊卽山羊也得之頗難血可入藥皮亦可揉然板厚以作坐褥可也此雖野
羊而功用與畜羊等故附著之至於吳羊之牡玠牝特夏羊之牡踰牝牧今滇
羊黑白俱有種蓋兼乎吳夏而脆羶之異角籜犛奮之異名亦無不同矣
麇羊獠羊滇多崖亦俱有而非常畜故畧之

狗彘與雞豚並畜爲養老食肉計則食犬在所先而守犬獵犬在所後顧今周
行天下未見有賣狗肉之市公然自命爲屠狗之人卽有屠者皆攫人家之守
犬而屠之粥之良以民間不復養食狗則生資又闕其一端矣曾見粵市肩狗
肉而賣之諱其名曰地羊黔省狗場有賣狗肉者但數家耳滇俗多回教以犬
豕肉爲忌而道家說又重戒犬牛故食犬由是遂廢然犬豕所字多爭畜之必
犬蕃如豕所謂三獫二獅一獬舉其少者言之而每字不止此數也

蠻犬范志云如獵犬警而獬

拳尾犬極高大垂耳拳尾范志以為鬱林犬滇中多有之

長喙獫狁喙獨獠獵犬也滇獵戶畜之

獠獅狗出迤西高四尺甚猛獅即西域旅底貢之獒也滇人多畜之鎖於柱

海叭狗長毛庠脚出順寧滇人亦多畜之即王會短狗也

倉頡制字必畜豕而成家周公著經次豕於麋鹿麇狼兔之後不以畜名之者

蓋兼野豕而為言也夫執於牢豢之家矣而五豨五豨私豨獻豨非狩之於野

乎蠻俗養豕至多未有囚而豢於室者故其產益蕃豨豨幺幼奏豨無論矣巨

者乃數百斤割而腊之為琵琶形曰琵琶猪蠻女爭負而貿於客此麗江之俗

也而其他自夷地趕把猪以市於大城及各街子者尤不可紀極而皆出自野

牧故知家豢不及野牧之蕃漢儒傳經多因牧豕以集生徒此爾雅所以列豕

於釋獸之中公蓋有深意矣

野猪田豕也一名嬾婦猪如山猪而小喜食禾田夫以機軸織絀之器挂田旁

則不近蜡祭迎虎爲食田豕也

山猪豪猪也其豪如箭能振撥以射人二三百爲羣以害禾稼山民苦之

麋麇總統於鹿滇南神鹿能噬毒草而鹿茸鹿筋盡出於大理迤西爲貴貨上品鹿皮之用尤多古者儷皮爲禮卽鹿皮也

麝亦鹿類而有香范志云自邕州溪洞來者名土麝氣臊烈不及西蕃謂雲南也是知滇麝甲於天下李石云天寶中漁人獻水麝詔養之滴水染衣衣敝而香不散夫有山獺卽有水獺有山麝獨無水麝乎但不易得得之且不識耳滇南兔亦多白兔且爲人家所養但穿房地爲厭耳穴竹林者爲竹貂亦兔類也肉肥美皮可爲袖以禦冬也

猿與猴爲一類范志言猿不言猴滇南有玉面猿出於廣西府范志獨金絲玉面難得猿長臂善嘯而猴不能各省俱多不必滇也至博物志稱猿獼每掠人妻以生子送還其家故蜀西邊多姓楊恐謗南人之言也唐人之謗歐陽詢亦

出於此

滇爲禹貢梁州梁州之貢熊羆狐狸織皮此亦任土作貢之宜志者

熊類至多有馬熊人熊猪熊狗熊滇南多有之予常至農部湯郎馬躡廠其地多熊仰視大栗樹其大枝墜地盈堆熊齧而墮之以食其實者此四種疑兼羆在內但人所獻熊胎熊掌餘則無所用不聞取其皮

獵戶得虎豹必獻皮以取賞故署中虎豹皮爲多祠祀演劇以包柱滿臺視之不重迄離農部覓炳蔚之文欲窺一斑亦不可得矣

狸狐獾豺醜其足躡其跡爪皆爲一類宜其爲用相似今之天馬千箭麻葉豹一切奇樣怪名皆出於滇由滇匠綴緝狐皮而并成之者也一領之料輒數十金且有百金故狐之爲用至大且至貴嘗聞遊滇郊見曬狐皮於地者動百千張畧無可盼而緝成之卽爲席珍滇產固多亦由人工之至也昆明人有趕祿勸鼠街見獾囊一物就視乃元狐也以千錢購得而裁爲帽邊價百倍此見

滇南何所不有哉

狐狸並稱而狸之畜於家者名猫善捕鼠且依人故蠻重猫鬼殺猫如殺人罪業報深而猫生于野爲野猫盜竊人家雞鶩鴨鶩多被吞食以肥其身比猫爲大而眼甚惡范志有火狸即紅色野猫也有豹色狸即花色野猫也緝其皮爲裘名九節狸價亦重鄉間人得黃鼠狼恨其食雞剝其皮而乾之以爲領人必笑武昌客染薰以爲帽邊曰海龍人爭購價大贏至今人曰武昌海龍皮又且緝兔皮以充狐裘獾皮至粗鄉人服之今且美之曰南狐是知物在所用貴賤亦無常也蠻俗以射獵爲生自麋鹿兔鹿外所得野獸種類必多亦統付之禹不能名契不能記而已矣

山獺水獺俱可裘范志謂山獺抱樹枯解藥箭一枚一金至於水獺善捕魚畜之者且費百金其有皮者由生獺未馴習故殺而取皮粥以爲利耳禹貢梁州以皮爲貢滇於三代屬梁州其於春秋爲楚之南陲傳曰如杞梓皮革自楚往

是知南中之皮革盛於北北且資用於南羽毛齒革君地生焉由來遠矣
猩猩古傳出永昌今不聞有此物

滇海虞衡志卷八

滇南山長白石先生廢翁檀萃默齋輯

大雷池長雪臺老人趙州師範荔屏校

志蟲魚

案范志蟲魚外薄於海夫海廣右不得而有之也滇南界海茲著吾海所
有者錄其實焉

鱗蟲龍爲首天用莫如龍農部茅山且有九十九龍則全滇之龍幾成龍伯之
國况龍池瀉瀑漏江伏流以灌稻田以興雲雨故自省州縣至土司莫不祀龍
而緬甸且有養龍池大理李某吉君世琛之幕友也李曾三至於緬親見之池
有三青龍無角長數十丈每日豢以牛肉每龍二十六搗讀上如京師象俸然嘗
一龍走追而還之又其苑養一獨角獸云是角觶皆所以明其德盛致物威服
夷人也後儒譏左氏御龍豢龍之言爲誣今有明徵如此古人豈誣乎

介蟲龜爲長范志不著龜而著貝滇南舊用貝謂之海肥肥者貝之薄而類也本出金江後則市於海南一貝曰莊五莊曰手四手曰苗五苗曰索以索貫之則八十貝一索之貝準錢二百四十故勝國以前文契及碑志尙稱海肥若干索南園漫錄云雲南用肥不用錢肥卽古貝今士大夫以爲夷俗不亦異乎

滇南半是水國產魚處甚多亦不過數種不甚雜而已足以供食料矣茲錄滇池之所日夕而見且嘗饌而味之者以著明之而他郡邑可以類推矣

鯉最美小者不能盈掌且滿腹魚子此江鄉所不見者大或至重七八斤且十餘斤味甚佳鯉之小者與鯽似滇人多不能分又不解糟鯉正發時紹興人糟池鯉以貨於官曰江鄉糟魚上來價數倍

鯽本爲鮒滇池多草產鯽多皆白鯽頗肥美無淮揚之草鯽烏鯽者間亦有麵腸鯽味亦頗同

鱸鱸額白魚滇亦多鱸然無江鄉重數斤且數十斤者之肥腴也此之白魚極

大不過一斤而止江鄉所謂白雀子而滇人甘之

鱧鯛一名鱧大者鯛小者鮓今烏魚也滇池多烏魚大鯛絕少官厨剝其皮以燭魚片極白嫩

鮎鱧相似而異滇池俱多鮎脊青而肉嫩鱧則花斑鱧一名鮓鮓大鱧小者鮎鮎鱧大者少重一斤卽爲大餘皆小鮎之類耳

鯿鰕海鰕也江鄉且無何況於滇滇池多藻出細鰕漁人乾之粥於市百錢一筐由滇人不知重也土人言亦有大鰕長數寸漁人匿之而私市恐官之誅求也

鯊鮓吹沙小魚體圓而有點文卽麗罟之鯊也滇多沙河到處頗有其名不同味俱佳惟滇池海口之金線魚名特著滇人艷稱之故是鯊也多金線紋一痕耳江鄉土名鯊爲冷骨有白冷骨黑冷骨花冷骨舩丁痴胖之名不一痴胖卽虎頭鯊小不過三四寸能啖魚海鯊能變虎巨細懸殊其種一也